

# Résumé

# KHUTBAH JUMMAH

PAR LAJNA IMA'ILLAH ILE MAURICE

*Pour tous commentaires et suggestions, envoyez-nous  
un email à l'adresse [ishaatlajnamu@gmail.com](mailto:ishaatlajnamu@gmail.com)*


## SOMMAIRE

**Courage et  
loyauté des  
Compagnons** 02

**Courage du  
Saint Prophète  
à Ouhoud** 03

**Valeureux  
martyrs  
d'Ouhoud** 04

**Les excellences  
du Réformateur  
Promis (r.a.)** 05



Huzoor (aba) dire ki Hazrat Sa'd bin Abi Waqqas (ra) ti parmi banne Compagnons plis ferme ki finne démontrer ene haut niveau de bravoure et de loyauté. Hazrat Sa'd (ra) ti devant le Saint Prophete (saw) et li ti pé lance banne flèches. Avant ki li lance chaque fleche, li ti pé faire duah ki sa fleche la atteindre so cible. Nabi Kareem (saw) ti pé aussi faire duah pou ki Allah augmente Hazrat Sa'd (ra) so précision. Kan Hazrat Sa'd (ra) so banne fleche finne fini, le Saint Prophete (saw) finne commence donne li so banne propres flèches. Rapporté ki sa jour la, Hazrat Sa'd finne tire 1,000 fleches. Ensuite, Huzoor (aba) finne dire ki ena aussi banne récits concernant banne sacrifices ki Hazrat Abu Dujanah (ra) finne faire. Li finne agir kuma ene bouclier pou le Saint Prophete (saw). Li finne déboute devant Nabi Kareem (saw) kuma ene muraille et ti pé arreter tous banne fleche ki ti pé vinne dans so direction.

Ensuite, nous trouve mention de Hazrat Sahl bin Hunaif (ra) ki ti parmi banne Compagnons plis respecté. Li finne montrer ene grand fermeté et constance pendant Uhud. Li finne lance fleche après fleche pou défaire le Saint Prophete (saw). Le Saint Prophete (saw) ti pé dire banne lezot Compagnons pou donne li (Hazrat Sahl (ra)) zot banne fleche parski li ti pé lance sa banne flèches la avec ene grand facilité.

Ensuite Huzoor (aba) ine encore ene fois attire l'attention pou faire dua pou bannes Palestiniens. Huzoor (aba) dire ki ine gagne bannes nouvel ki pe faire bannes zeffor pou arrête la guerre dans Gaza et ki peut être gouvernement Israelite pou d'accord avec sa. Huzoor (aba) ine faire dua pou ki Allah faire ki bannes pays musulmans kapave zuer zotte rôle et faire ki désordre ki ena dans le monde arreter. Aster, probabilité ki ena la guerre avec Iran aussi finne augmenter.

**Huzoor (aba) finne donne plus details concernant martyrs de Hazrat Hanzalah (ra) et Hazrat Sa'd bin Rabi' (ra). Hanzalah (ra) ti tombe en martyr dans bataille Uhud. Li ti marier ene jour meme avant ki bataille ti commencer. Le Saint Prophete (saw) ti trouve bannes anges lave so le corps lor le champ de bataille. Hazrat Sa'd bin Rabi' (ra) ti aussi tombe en martyr dans bataille Uhud. Le Saint Prophete (saw) ti dire kikene alle prend S'ad (ra) so nouvel lor champ de bataille. Ene Compagnon ine alle rode li et kan line trouve S'ad (ra), line dire ki le Saint Prophete (saw) ine envoie li pou prend so nouvel. Hazrat Sa'd (ra) ine dire li envoie so Salaam au Saint Prophete (saw). Hazrat Sa'd (ra) ine décéder et line vinne ene martyr. Kan le Saint Prophete (saw) ine gagne sa nouvel la, li finne tout de suite faire dua pou ki Allah accorde So Miséricorde a Hazrat Sa'd (ra). Ensuite li finne dire ki Sa'd (ra) ti ene bienfaiteur d'Allah et So Messenger; dans sa la vie la et dans l'au-delà.**

**Hazrat Mirza Bashiruddin Mahmud Ahmad (ra) finne souligner ki dans bannes derniers paroles de Hazrat Sa'd (ra), li pas finne exprime so inquiétude lor kisanla ki pou prend soin de so famille kan li pou mort. Mais, so seul tracas c'était ki bisin assurer ki bannes musulmans pou donne zotte la vie pou protege le Saint Prophete (saw). Huzoor (aba) dire ki bannes dimounes resse émerveillés par bannes telle expression d'amour envers le Saint Prophète (saw). Huzoor (aba) ine faire dua ki Allah établi bannes même esprit d'amour envers le Saint Prophète (saw) dans nous leker aussi.**

Huzoor (aba) dire ki Hazrat Shammas bin Uthman (ra) ti aussi tombe en martyr pendant bataille Uhud. Li finne la guerre avec buku détermination. Initialement, ti finne amene li dans lakaz de Hazrat A'ishah (ra), et par la suite dans lakaz de Hazrat Umm Salmah (ra), et c'est laba même ki li finne décédé. Nabi Kareem (saw) finne donne instructions ki bizin retourne so le corps dans la plaine de Uhud et enterre li laba même. Pareil kuma Hazrat Talhah (ra) ti mette so la main pou protege le Saint Prophete (saw) contre banne flèches ki ti pé vinne dans so direction, Hazrat Shammas (ra) li aussi finne déboute devant le Saint Prophete (saw) pou protege li contre tous banne attaques. C'est pour sa raison la même ki Rasouloullah (saw) finne décrire li kuma ene bouclier et finne dire ki dans n'importe ki direction ki li ti pé guetter, li ti pé trouve Hazrat Shammas (ra) pé la guerre.


Huzoor (aba) dire ki Hazrat Abdullah bin Amr (ra) aussi ti tombe en martyr dans bataille Uhud. Li ti fini dire so garçon ki li ti koner ki li pou parmi bannes premiers martyrs dans sa bataille la. Li ti dire so garçon ki pena personne ki plus chère a li ki le Saint Prophete (saw). Li finne dire so garçon pou paye so bannes dettes et prend soin so bannes sœurs. So garçon dire ki li ti le premier martyr de bataille Uhud. Li ti enterrer dans meme tombe ki Hazrat Abdullah bin Jamuh (ra). Kan so lecorps ti présenter devant le Saint Prophete (saw), li ti dans ene l'état kot so nenez et so zoreil ti complètement mutilés. Tifi de Abdullah bin Amr (ra) finne kumans crier et pleurer kan lin trouve so papa so lecorps mais le Saint Prophete (saw) finne dire li pas faire sa parski so papa pou tout le temps reste sous protection de bannes anges.

Huzoor (aba) dire ki li important ki nou reponne sa question ki ban zenfants et bannes dimounes demander. Si nous pas celebrer ban l'anniversaire, b kifer nous celebrer l'anniversaire de Hazrat Musleh Maoud (ra) ? Li bizin clair ki le 20 février c'est pas l'anniversaire du Musleh Maoud (ra), nous pas p fete so l'anniversaire mais plutôt nous p celebrer l'accomplissement de sa prophétie kot Allah ti annonce la bonne nouvelle d'ene fils promis ki pou possede ban qualités exceptionnels au Messie Promis (as) le 20 février 1886. Huzoor (aba) finne présente ban témoignages au sujet du Musleh Maoud (ra) de ban personnalités renommées ki pa ena aukene association avec Ahmadiyyat.

Huzoor (aba) finne présente l'exemple de Lala Kanwar Sein, ancien Chef Juge de Kashmir. Apres ki li finne écoute ene lecture ki Hazrat Musleh Maoud (ra) finne faire lor supériorité de la langue Arabe, li finne dire ki li ti pé penser ki sa lecture la pou faire dans façon traditionel, mais en faite, lecture la extrêmement intellectuel et philosophique. Li finne dire ki li finne écoute chaque mot avec buku l'attention et finne bien profite de sa lecture la et li dire ki li sure ki sa pou ena ene l'effet profond lor li pou ene long letemps.

Huzoor (aba) finne aussi présente l'impression d'ene lot non-ahmadi ki finne lire lecture de Hazrat Musleh Maoud (ra) lor le rapport de Nehru et li finne dire ki par la suite, li finne bien envi zwenne le Musleh Maoud (ra). Li dire li ti ena désir pou faire Hazrat Musleh Maoud (ra) conner ki ceki li pé faire-la, li extraordinaire et ki li pé sappe banne musulmans dans banne moments bien dangereux parski l'Islam pé passe par banne moments critiques.

**Nous encourage tous ban Lajna et Nasirat  
pou suivre Khutba Jummah en direct lor ban  
chaines de la MTA**



**Click lor ban link en bas pou accéder directement**

**<http://www.mta.tv/live>**

ou

**<http://www.mta.tv/live-audio-only>**

ou pou Android app

**[https://play.google.com/store/apps/details?  
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-  
international/id942619881](https://apps.apple.com/us/app/mta-international/id942619881)**

